



Bájkkeavijssa NuorttaSálto

Áhpa julevsámegiela telefávna baktu


Tæksta: Kitty Skapalen
Járggálibme: Divte Media AS

■ Dálla máhtá julevsáme báhkogirjev ietjat telefávna gávnna. Kárásjávvidnudahka Abc-Company E-skuvla AS almot dálla áhpav, vuostak julevsámegiellaj, dan mañella oarjje- ja nuorttasámegiellaj.

Julevsáme báhkolistan li aj jiednaversjávna bágojs, vaj besa gullat gáktu bágov riehta jienastit.
- Teknologasj báhkolissta le boahhteájgge, danen dáv áhpav dagájma, subtsas vuobddemdirektørra ABC E-skuvlan, Jan Skoglund Paltto NRK.no/sami:aj.
Vuodo báhkoliststaj le tjoakkeduvvam julevsáme næhttakursajs majt e-skuvla le fállam juo moadda jage.

3000 bágo

Elektrávnálasj báhkogirjen, majt gávna ietjat smart-telefávna jali næhttadielluj, li 3000 julevsáme bágo. Áhpa Bágo dáhkki návka viedtjat App storas. Paltto jáhkka áhpa le riek buorre viehken



sidjijda gudi sihti julevsámegiela oahppat.

- Le buorre viehkenævvo, sierraláhkáj jus dæhpo ja ij gávna bágov majt dárba, javlla sán.

Oarjjesáme áhpa

Ávddánibme, ja sierraláhkáj tjoahkkim julevsáme bágojs jiednabáhkoliststaj le vihpa moadda jage. Ienep sáme áhpa li boahtemin. E-skuvla le ruvva gárves oarjjesáme áhpa almmudittjat.
- Vájlup vilá muhtem tjuode bágo

«Facebook ja áhpa li ájnnasa bisodittjat sámegiela»

oarjjesáme áhpa, de la gárves, subtsas Paltto.

- *Le gus divras dáv áhpav viedtjat?*
- Ij la, dábalattjat ælla áhpa divrrasa. Mij lip biednigijt dási biedjam ja oadtjum dárjav buvtadittjat, javlla bæjválasj jádediddje Kirsi Paltto bájkkeavijssaj. E-skuvla skávlájda fálla oahppomnævojt sámegiellaj nehtan ja fálli aj guhkásáhpadimev oahppijda vuodoskávlán ja joarkkaskávlán. Állesjattugijda nehta baktu kursajt fálli nuortta-, julev- ja oarjjesámegiellaj, ja moattekultuvrasj dádjadimen.
- Julevsámegiela li niellja dáse man gaskan besa válljit. Julevsáme 1-2-3-4 le ájádáládum ulmuttijda gudi vehi jali e ávvánis máhte julevsámegiela ávdutjis ja sávvi giela oahppat, subtsas Paltto. Kurssa fálla ádáájggásaj tiemájt, edna jienav ja jiednabáhkolistajt ma li viehken bágojt jienadittjat. Mikrofávna dájmajn máhta báddit ietjat jienav ja buohtastahttet ietjat jienastimev jienastimijn kursan.
- Máhta válljit kursav webáhpadiddjijn jali iesjáhpadussan. Vásedusá vuosedi áhpas le buorep jus dujna le persávnálasj webáhpadiddje guhti gátset, divvu dahkamusájt, guládallá skájpa baktu ja gatjálvisájt vásstet.

Valla sidjij gudi le dárbo báhkogirjen guovlastit, de máhtá dav viedtjat áhpa baktu app storeas. Stuorra ávddánibme viddnudahkaj mij ásaduváj jagen 2000.

- Dán jage lip sjaddam almulasj dáhkkiduvvam næhttaskávlá. Dan diehti mávseduvá ruoptus majt iesj le máksám skávlánævoj ávdás gá áhpadimev láhpada, javllá Kirsi Paltto.

Duodden oahppojnævojda ja áhpajda de le álge áttjudit suohtas láhkámav ja oahppamav gávvarájdo baktu (Bamseværálda gievrasmus biernna), juojgajt oahppat Sámeednama tjiehpemus juojggijs ja oahppoárvulasj næhttable.

Diedo

Abc-Company E-Skuvla AS

- Sáme digitála almmudahka ja næhttaskávlá
- Buvtadi oahppomnævojt nehta baktu sámegiellaj ja sámegiela birra
- Fálla guhkásáhpadimev sámegiellaj
- E-Skuvla ájggu fállat buoremus kursajt ja oahppojnævojt nehtan nuorttaguovlon



Kirsi og Jan Skoglund Paltto